# NOW THAT YOU ARE BORN AGAIN

(CHIGARWE)

Chris Oyakhilome, D.Sc., D.D

# Now That You Are BORN AGAIN

Chris Oyakhilome, D.Sc., D.D

Ndima dzese dzakanyorwe mubhuku rinori dzakatorwe muBhaibheri (reChishona Chekudhara), rinowa rinode kukumana nereChingezi reKing James Version (KJV). Ndima dzinenge dzakaturikirwa kubve kune amweni maBhaibheri eChingezi dzinenge dzakapangidzwa zvakati hwee.

Bhuku iri rakaprindwa keChituu mugore ra 2003

ISBN 978-34658-7-2

Published by: LoveWorld Publishing Copyright © 2006

email: info@loveworldbooks.org website: www.loveworldbooks.org

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

# Zviri Mukatimwo

Ι.	IWEWE CHAIYE	/
2.	Iwewe WaChipuka Chinyowani	13
3.	WaweRudzi RwaMwari. WaWeRopa ReAmwari!	15
4.	Iwewe WaKutwasuka Kwamwari!	21
5.	Iwewe Wakachenurwa	23
6.	Iwewe WaMunhu Anoera!	25
7.	Iwewe Wakadzikinurwa!	29
8.	Mweya WaMwari WaKugara Mweuri!	33
9.	CHIRONYI CHAUNOFANIRE KUITA KANA	
	Pfungwa Dzakashata Dzauye Mumusoro Mwako?	35
10.	CHIRONYI CHAUNOFANIRE KUITE KANA SHAMWARI	
	DZAWAIMBOSITAMBE NADZO DZICHITSVAKE KUKUODZE MWC	yo?47
11.	CHIRONYI CHAUNOFANIRE KUITE KANA UKATAMBUDZIRWE	
	Kunamate Kwako?	53
12.	Mweya Mutsvene wa Muupenyu Hwako	61
13.	KO. UNOFANIRE KUENDE KUCHECHI ERE?	73

# Hama Yandinode

Makorokoto! Watambire Jesu Kristu. Waatambire kuti awe iwo Mambo weupenyu hwako. Futihe kuti awe Muponesi wako. Kurekete kuti waone ruponeso. Ruponeso urwu runogare nekusingaperiba.

Ndine zviro zvandinode kukufundisa. Izvi zviro zveshuwa. Ndizvo zvinotsigise kutemba kweAkristu. Ndinode kuti newewo usenzese zviro izvi. Zvisenzese kuake upenyu hwako. Ndiko kuti uwe upenyu hwakamhondhloka. Hunofadza. Saka natse kuerenge zvakanyorwe mugwaro rino. Uzvisenzese. Unozokone kukohwa. Goho iri rinozogare ngekusingaperi.

Ndinonyengetere kuti Mwari akupe Mweya wenjere. Akupewo Mweya wekubeurirwa. Ndiko kuti uzoaziya. Hope yekuzwisisa kwako ivhenekerwe. Kuti uzoone kukure kwetariro yaakakudaidzire kweiri. Uzoziyawo zviro zvese zvewakapuwe mahara. Zviro izvi zviri muna Kristu. Ameni.

Zvakanyorwe mugwaro iri zvichazokubatsira. Zvichaita kuti ukone kutange upenyu hwako hunyowani muna Kristu. Paunozvifunda, nangise muBhaibheri rako uzvifundire wega Magwaro.

Masoko ari mugwaro rino achasandure upenyu hwako. Achakubetsere kuronge upenyu hwako. Uchihumisa paSoko raMwari. Izvi ndizvo zvandinotarisira.

Mwari ngaakuropafadze maningi, muZita ralesu. Ameni.

Mufundisi Chris Oyakhilome

## IWEWE CHAIYE

Iwewe hausi mwiri weunoona basiba. Hausi demheba rinongokone kunagisa. Kuzwe zviri kuitika munyamaba. Kuzwa ngenzee. Kubata. Kuraira. Nekufembedza basiba. Mukati mwako mune chimweni chiro. Munotowa nemumweni munhuhe. Munhu uyu haasi mwiri wako wenyama basiba. Munhu uyu mweya wako. Iyeye ndiye iwewe chaiye.

Bhaibheri rinoreketa pamusoro pemunhu uyu. Rinomudaidzire kuti munhu wemukati. Izvi ndizvo zvatinoerenge muna 1 Pita 3 vhesi 4. Inorekete kuti, "Asi ngaashongedze mwoyo wake. Unowa ndiye munhu wemukati. Asingafiba. Mweya wake uwe wakazvininipisa. Wakatiya ...".

Mwiri wemunhu ungafa. Asi mweya wake unorambe uri mupenyu. Unenge uchingowa munhu. Munhu uyu unenge wakatokwane maningi. Achindoa zvaagare arihe. Hapana chinenge chabviswe paariba. Kunze kwekuti anenge asisakoniba kuseenza ari panyika pano. Mwiri unenge wafa hawo. Asi mweya wake unonga uchiri kurangarira. Uchitoziya zviro zvaanga ari achiri mumwiri wenyama. Mweya uyu ndiye munhu chaiye.

Jesu Kristu akamboreketa ngendaa yeamweni arume. Nhoroondo yacho tinoiwone muna Ruka 16. Arume aya akanga ari ayiri. Umweni wacho akanga ari murombo. Zita rake aizwi Razaro. Umweni akanga ari mupfumi. Razaro aiwa murombo hake. Asi mwoyo wake wakanga wakatwasuka. Izvozvo ndizvo

zvakanga zvakakosha paari. Razaro uya akafa. Akatorwa. Akaendeswe kune imweni nzvimbo. Nzvimbo iyi yaizi Chipfuwa chaAbhurahamu. Murume wetuu akanga akapfuma. Asi upenyu hwake hwakanga usina kutwasukaba. Iye akazofawo

Natse kuongorore nhoroondo iyi. Murume uyu akafa. Mutumbi wake ukakotswa. Wakakotswe panyika pano. Asi Jesu anoti iye akaende kugomba remwoto. Akabva asimirudze hope yake. Akamirudza ari ikoko kugomba remoto. Akawona Razaro. Razaro akanga ari muChipfuva chaAbhurahamu. Murume uyuni akabva aziya Razaro uyu. Akabva adayidzira. Achireketa kuna Abhurahamu. Achiti, "Ndapota! Ndibatsireiwo!" Kurekete kuti murume uyu akanga achiri kukone kureketa. Abhurahamu akamudayira. Iye akazwa izwi raAbhurahamu. Kurekete kuti akanga achiri kukona kuzwa.

Mupfumi uyu ane zvaakareketerawo Abhurahamu. Akati akanga ayine nyota. Futihe akanga ari kurwadziwa. Saka akadembe kwaari. Achiti, "Ndapota. Nditumireiwo Razaro. Aundiunzirewo mvura. kana donhwe haro. Ngekuti ndine nyota". Kurekete kuti akanga achiri kukona kuzwa zvaiitika kweari.

Murume uyu akanga achiri kutorangarire zviro. Ngekuti akabva ati, "Torayi umweni munhu. Mutoreyi kubva pane akafa. Mumutume kuanin'ina angu. Anoaparidzira". Akanga ayine vanin'ina ake. Vanin'ina aya akanga ari faifi. Akanga achiri panyika. Saka akafunge echiti, "Kuda kukaone umweni kubve kuafi anoaparidzira, angatenda". Saka mupfumi uyu aitorangarirawo anin'ina ake!

Saka mwiri wemunhu ungafe hawo. Asi mweya wake unosare uri mupenyu. Izvi ndizvo zvatinowona munhoroondo iyi. Hino, munhu angaberekwe panyowani. Mweya wake uyu ndiwo unenge waberekwe panyowani.

### 2 AKorinde 5 vhesi 17 kusvika 18 inoti,

"Saka kana munhu amuna Muponesi. chachimwewo chipukanana chinyowani . Zvaakanga ari kare hapasisinaba. Ngangisa uwone. Zvaapo zvese zvazvinyowani. Uye zviro zvese izvi. Zvinyowani. Zvakabve kuna Mwari. Iwo vakasenzese Jesu Muponesi. Akaasenzese kutipetudze kweari. Akatipawo basa. Rekudzose anhu kweari".

# Iwewe Wachipukanana Chinyowani

Iwewe wakape upenyu hwako kuna Jesu Kristu. Ndiwo waakutonge upenyu hwako. Saka wasiyane nezvawakanga uri kare. Chimiro chako hachina hacho kusandukaba. Asi munhu wako wemukati awa munyowani. Izvi ndizvo zvinorekete Bhaibheri. Tinoerenga izvi muna 2 Akorinde 5 vhesi 17. Hausi munhu "akafanane nechipukanana chinyowaniba". Asi kuti "watowa chipukanana chinyowani". Hausisinaba nhoroondo yehupenyu hwekare.

Iwe wakaberekwe panyowani. Uku kwakanga kusiri kundogadziriswa basiba. Kwakanga kusiri kundoumbiridzwa basi he. Kwakanga kuri kubrekwe panyowani. Kwakanga kuri kuberekwe kwechituu. Kurekete kuti wakatouye uri munhu munyowani. Asi munhu wemukati uyu ndiye munyowani. Saka hazvireketi kuti chimiro chako chinofanire kushandukaba. Ungaa wanga wakagerwe musoro. Musoro uyu unorambe wakagerwa. Haushandukiba ngekuti waberekwe panyowani. Uchiri kuite basa hwani basi iroro he. Uchiri mumhuri yekare iyahe. Uchiri kugare kwawaisigara futi.

Asi washanduke mukati. Mweya wako wamunyowani. Saka tsika dzako dzanyowani.

# Wawerudzi Rwamwari. Waweropa Reamwari!

Mwari akakuite mwana wawo. Akakupe mvumo yekuwa mwana wawo. Akaitae izvi ngekuti wakaberekwe panyowani. Izvi ndizvo zvatinoerenge muna Johwani 1 vhesi 12. Saka mweya wako wawerudzi rwaMwari. Washanduke rudzi. Waweropa raMwari. Jesu Kristu ndiwo akaite kuti izvi zvikoneke. Zvinoitike kumunhu wese anonga aagatambira. Ichi chiro chinofadza maningi. Saka wawerudzi rweVamwari. Izvi ndizvo zvatinoerenga muna

### 2 Pita 1 vhesi 3 kusvika 4

Mwari ndiwo wawa Baba wako. Izvi zvakaitike sei? Chiro chimwe nechimwe chinobereke rudzi rwacho. Ndiko kusaka imbwa ichibereke imbwa. Johwani 1 vhesi12 kusvika 13 inoti, "Asi kune amweni akaritambira. Akatambire zita rake. Anhu aya akabva apuwe simba. Nemvumo. Yekuti ave anakomana aMwari. anhu aya akabva aberekwe kechituu. haikona ngeropaba. Kana ngekuda kwenyama. Kana ngekuronga kwemurumeba. Asi vakaberekwe naMwari pachawo".

Mwari mubereki chaiye. Anotozwavo "nyoka dzawo kuhamba hamba". anozwa izvi paanofunge ngezvako. Iwe wanhengo yemhuri yawo. Kurekete kuti wachizvarwa cheKudenga. Kudenga uku ndiko kwaanogara iwo.

Mwari ndiwo waanebasa rekukuchengeta. Ungaa nezviro zvaunoda. Izvi zvingaa zvinodiwe pakurarama. Mwari ndiwo wawa kukupe zviro izvi. Anozvitore papfuma yawo. Pfuma iyi haiperi. Ipfuma yeAmwari. Inoonekwe muna Kristu Jesu. Izvi ndizvo zvetinoerenge muna afiripi 4 vhesi 19. Iwo ane zvaakatorongere upenyu hwako. Zvaakaronga izvi zvakanaka. Zvakatange kuitike musi wawakaberekwe panowani. Uri mwana waMwari. Uri mwana waanofarira. Waa mumhuri yeanhu ane rudo. Ichi chiro chakakoshe maningi. Mwari aida kuti uwe nhengo yeHumambo hwawo. Ndiko kusaka akakuite munhu weropa rawo.

Mwari akakupe upenyu usingaperiba. akakuite weropa rawo. Izvi ndizvo zvinorekete Bhaibheri. Saka wawerimweni ropa. Ropa iri ndiro rina Mwari. Ndiro rinoite kuti asiyane neanhu enyika ino. Iropa reamwari. Ndiro rakaite kuti guwa risakona kuvharire Jesu Kristu. Iropa reanhu aya akambofa. akanyise

rufu. akazomuka. Ndiro ropa rawawa narowo iwewe. Ndihwo hupenyu hwawanahwo.

I Johwani 5 vhesi II kusvika 13 inoti, "Zvaakareketa zvacho ngezvinoti. Mwari akatipe upenyu usingaperiba. Kuti tiwe weropa rawo. Hino hupenyu uhu huri muMwanakomana wawo. Munhu angaa neMwanakomana. Anenge aanehupenyu uhu. Anenge aweropa rawo. Asi anenge asina Mwanakomana waMwari ba. Haana hupenyu uhu. Haasi weropa rawoba. Ndakakunyorerai zviro izvi. Imwimwi akatambire zita reMwanakomana waMwari. Kuti muziye kuti manehupenyu husingaperiba. Maweropa raMuponesi".

Saka munhu angaa naMWANAKOMANA.

Munhu uyu ndiye basi anenge a weropa rawo. Ngekuti hupenyu uhu huri muMwanakomana waMwari. Kurekete kuti wakapuwe hupenyu uhu. Wakahupuwa pawakatambire Jesu.

Iwe waweropa iri. Hazvichakonekiba kuti uniswe. Wakutonge zviro zvese. Izvi zvinoshamisa maningi! Hazvikoniba kuti Mwari aparadzweba. Hazvikoni kuti anyiswe. Zvino iwewe waweropa rawo. Kurekete kuti hazvichakoniba kuti uparadzwe. Hazvichakoniba kuti unyiswe. Ngekuti una Mweya wawawa nawo. Mweya awa ndiwo wakamutse Jesu Kristu kuakafa. Ndiwo wawa kugare mukati mako. Izvi ndizvo zvetinoerenge muna Aroma 8 yhesi11.

# Iwewe Wakutwasuka Kwamwari!

2 Wakorinde 5 vhesi 21 inoti, "Muponesi aya akanga asina chitadzo. Achitozviziya kuti akanga asina chitadzo. Asi Mwari akaaite chipiriso chezvitadzo. Kuti isu tiwe kutwasuka kwawo kuya. Kuri muna Muponesi".

Iwe chimbofunga Mwari achibvise zvakashata zviri munyika. achizvivhara ngezvakanaka, zvinoafadza. Iwo akaite kuti Jesu ave chitadzo. Kurekete kuti ndiwo akawa chipiriso chezvitadzo. akaita izvi achitsvake kubatsire isusu. Kuti isusu tiwe muna Kristu.

Tizowa kutwasuka kwaMwari.

Ndiko kusaka Jesu akafa semutadzi. akafa kudayi vakakumiririra iwewe. Ngekuti iwewe ndiwe wakanga uri mutadzi wacho. Saka izvozvi wakukona kusvike pana Mwari. Unosvike peari usingazwi semunhu ane ndaa. Usingatyiba. Uyehe usingazwi semunhu asina kukodzera. Izvi ndizvo zvatinoerenga muna Vahebhuru 10 vhesi 19, naWaroma 5 vhesi 1.

# IWEWE WAKACHENURWA!

Kuchenurwa kuitwa sei? Zvinorekete kushambadzwe semunhu asina ndaa yaakaparaba. Ndiwo maonerwe aunoitwe ndiMwari. Anokuone semunhu asina ndaa yaakapara. Izvi ndizvo zvatinoona muBhaibheri. Tinoerenga masoko acho muna Waroma 5 vhesi 1. Anoti, "Saka ruwimbo ndirwo runotichenura. Ndirwo runoita kuti titorwe seanhu asina mhosva yaakapara. Kurekete kuti Ishe Jesu Muponesi awa. Ndiwo akatiyananisa

### naMwari". Saka Iwe wakachenurwa!

Iwe ndiwe wakanga watadza. Saka ndiwe waifanire kurangwa. Asi Jesu akakumiririra. akarangwa iwo. akaite izvi paakafe pamuchinjiko. Kunyangwe zvawo iwo akanga asina zvitadzo. Izvi ndizvo zvatinoona muna 1 Pita 2 vhesi 22. Ndiko kusaka Mwari asisiri kukuona semutadziba. Bhaibheri rinoreketa muna 2 Wakorinde 5 vhesi 19 richiti,

"Kurekete kuti Mwari akanga ari muna Muponesi. achipetudze anhu kwaari. Asingaerengeri zvitadzo zvawo. Akabva aise soko mumaoko edu. Soko iri ndiro ratinosenzese kupetudze anhu kweari".

# IWEWE WAMUNHU ANOYERA!

Ngatimboti iwewe wanga wadonhere mumatope. Ukabva wasvipa maningi. umweni munhu obva auya. Obva akubvise kubve mumatope aya. Saka unenge wabude mumatope aya. Chaunenge wakuda wabve ipapo kugeze tsvina iya. Unenge wode kubvise matope aya kubve mweuri. Kuti zvisasare zvichiite sekuti wanga wambodonhere mumatope. Iri ibasa rinotore nguwa.

1 akorinde 6:11 inoti,

"...Asi izvozvi Mweya waMwari wedu akakusukayi. akakueresayi. akakuitayi atsvene. akakuchenurayi. akaite izvi zvese muzita raIshe Jesu.".

Kuyereswa kuri pairi. Chekutanga Mwari anokubvise mumatope. Izvi ndizvo zvinoitika paunoberekwe panyowani. Ipapohe, unobve wamunhu anoyera. Unobva waitwa mutsvene. Unenge wabviswe kubve munyika ino. Unenge waiswe kuna Mwari. Izvi ndizvo zvinorekete Bhaibheri. Wapedze izvozvo unofanire kuchibvise matope. Matope aya anofanire kubviswe mauri. Unoabvise ngekugeze pfungwa dzako. Uchidziwedzera. Unosenzese Soko raMwari kudzigeza. Uchibvise zviri mwedziri. Uchizvitsiya ngeSoko raMwari. Izvi ndizvo zvetinopangidzwe muna aroma 12 vhesi 2.

Asi pfungwa hadzifaniri kuwedzerwe kahwani basiba. Dzinofanire kugare

dzichiwedzerwa. Dzichingogezwa. Ngekuti pfungwa idzi dzine masenzere edzajaire kuita. Hadzina kujaire kungotambire zviro. Dzinoda kutange dzazvione ngemadziso enyama. Asi kana dzikasandurwa. Dzinotange kuone zviro ngegwanza nyowani. Iri ndiro gwanza rinoshandiswe naMwari kuone zviro. Ipapo unenge wakurekete masoko aMwari. Uchiareketa ngegwanza raanoreketwa nayo naMwari. Achizokubudisirawo zvaanobudisira Mwari.

# IWEWE WAKASUNGUNURWA!

Akorose I vhesi12 kusvika 13 inoti, "Muchitenda Baba. Iwo akaite kuti tikodzere kupuwe pfuma yeatsvene. Iya inopuwa ari muchiedza. Iwo Baba waya. Akatisungunura. Ndokutibvise munzvimbo inotongwe ngedima. Akatiise munzvimbo iya. Inotongwe ngeMwanakomana wawo. Waanofarire maningi".

Iwewe wawa nhengo yeHumambo

hwaMwari. Izvi zvakaitike paya pawakapa hupenyu hwako kuna Ishe Jesu Kristu. Saka hapachinaba mweya wetsvina wawa kukone kukukuwadza. Ungaa nezvirango zvawanga wakamboita. Izvi zvingaa zvirango zvawakaita nemweya yakashata. Ungaa wakaite zvirango izvi iwe pachako. Kana kuti wakazviitirwa usingaziyiba. Wasungunurwe kubve pazvirango izvi. Wasungunuke kubve kutsika dzakashata. Kubva kuchitadzo. Zvirwere. Kana matenda. Ngendaa yeyi wasungunuka kudayi? Ngekuti wakasungunurwe kubve kumasimba edima.

Wakasungunurwe. Saka rima harichakoniba kukutonga. Harichakoniba kutungamirira upenyu hwako. Wakabviswe kubva murima iri. Ukapinzwe muHumambo hwawo. Izvi ndizvo zvinoreketwa ngeBhaibheri. Saka hauchafaniri kutyaba. Mwari ndiwo wawa Mufudzi wako. Madziso awo akugare ari peuri. Saka anokuchengeta nguwa dzese. Izvi ndizvo

zvatinoone muna Mapisarema 23 vhesi 1.

Bhaibheri rinoreketa muna Johwani 8 vhesi 36 richiti, "Saka munofanire kusungunurwa. Mwanakomana ndiye anofanire kukusungunurayi. Ndiko kuti muwe akasungunuka pachokwadi". Mwari akakusungunura. akabva akuise muHumambo hwawo. Imwomwo ndimwo mweuri izvozvi. Ndimwo mwawakugara. Ndimwo mweunofanire kunge uri. Wakatosungunurwa kubve musimba rerima. Izvi zviro zvakatoitwa. Natse kuzwisise ipapo.

# Mweya Wamwari Wakugare Mweuri!

Hupenyu hunyowani uhu hunounze zvakawanda. Zviro izvi zvakanaka. Chimweni chacho ndiMweya waMwari. Mweya awa wanouye wogare mweuri. Kana achinge vauya kudayi. anokubatsire kuzwisise Soko raMwari. Uchibva warizwisisa ngemazvo.

Ungazofunde hako Soko raMwari. Mweya wako unenge waakurizwisisa. Unenge wava kukona kurisenzesa muhupenyu hwako.

Mweya Mutsvene anokurangaridzawo Soko raMwari. Izvi ndizvo zvatinoone muna Johwani 14 vhesi 26. Pamusoro pazvo, anokupawo simba rekuparidze ruponeso rwaJesu Kristu. Unozoruparidzahe ngeunyanzvi. Mabasa 1 vhesi 8 inoti.

""Asi muchaite simba. Kana Mweya Mutsvene wanya pamusoro penyu. Muzokone kuwa zvapupu zvangu. Muzondipupurire muJerusarema. MuJudhiya rese. MuSamariya. Kusvikire kumapeto enyika".

# CHII CHAUNOFANIRE KUITA KANA ...

Pfungwa Dzakashata Dzauya Mumusoro Mako?

Wakaberekwe panyowani hako. Asi izvi hazviiti kuti usayedzwa. Asi haufaniriba kunyiswa ngemiyedzo iyi. Mwari anotibeurire gwanza yekunzvenge nayo miyedzo iyi. anotibeurira pese patinoyedzwa. Izvi ndizvo zvinorekete Bhaibheri. Tinoerenge izvi muna 1 akorinde 10 vhesi 13. Saka pfungwa dzingauya mumusoro mako. Pfungwa idzi dzinokona kunge dzakashata. Iwe ita zvinoteera:

#### (1) RANGARIRE KUTI Wachipi kanana Chinyowani

Pfungwa dzakadayi hadzibviba mumusoro mako. Ngekuti iwe wakaberekwe panyowani. Dzinobve kubanzi. Dzinobve kuna Satani. Satani uyu ndiye anenge ari kukuyedza. Isu takaberekwe panyowani. Saka taakufunge saKristu. Izvi ndizvo zvinorekete Bhaibheri. Tinozvierenge muna 1 akorinde 2 vhesi 16. Iwe wachipukanana chinyowani. Ndizvo zvaunofanire kugare uchirangarira. Mwari anodawo kuti tigare tichirangarira izvi. Iwo akatipe upenyu hunyowani. akatiita anhu erimweni ropa. Saka zvione semunhu akashanduka rudzi

## (2) Funda Kuteerera

Teerera Mwari! Ita zvaanokurayira! Ngatimboti wapindwa ngeimweni pfungwa. Asi pfungwa iyi yakashata. Ungazwa kumanikidzwa kuita zveuri kufunga izvi. Wobva watotange kuzviita. Asi wobva warangarira kuti wakaberekwe panyowani. Wakashanduka rudzi. Pakarepo chibva wanyise pfungwa iyi. Wobva wasiyana nayo.

Teerera Mwari! Ita zvaanokurayira! Wakaberekwa hako panyowani. Asi pfungwa dzakashata dzinoramba dzichiuya mumusoro mako. Hadzirekeriba. Asi haufaniri kudzitambiraba. Usadzirekera dzichikutungamirira. Dzirambe! Pfungwa idzi dzakafanana neshiri. Haungarambidzi shiri kutenderera pamusoro pako. Asi haungazodzirekeri dzichimhare pamusoro pako. Dzichitosvike pakuake zvikasi pamusoro pako.

Pfungwa idzi dzine kwadzinobva. Saka zvingasaite kuti udzirambidze kuuyaba. Asi haufaniri kudzirekera dzichigare mumusoro mako. Usadzirekera dzichikutonga. Saka tsvake zvimweni zvakanaka. Wozviisa mumusoro

mako. Woisa pfungwa dzako pazviro izvi. Zviro izvi zvinobve zvadzinge pfungwa idzi. Izvi ndizvo zvetinopangidzwa muna afiripi 4 vhesi 8.

Ngatimboti iwe une mitambo yeunoita. Mitambo iyi ingaa yekuwaraidze anhu. Unokona kunge uri murume. Asi uchifanira kuita semukadzi pamitambo iyi. Kurekete kuti unotopfeka semukadzi. Wogadzira vhudzi semukadzi. Uchireketa semukadzi. Asi haukanganwiba kuti uri murume. Mutambo uyu unozopera. Iwewe unobva wapfeke hembe dzechirume. Wobva waenda hako. Ungazoenda kubasa neMuvhuro. Haukanganwiba kuti uri murume. Unenge wakureketa semurume. Uchirarama semurume. Hazvizoitiba kuti udzokere kubasa. Wozoreketa semukadzi. Uchiita semukadzi.

Izvi ndizvo zvawavawo izvozvi. Pane pawakanga usati waberekwe panyowani.

Waiita zvisina kunakaba panguva iyi. Asi hino waanehupenyu hunyowani. Ndihwo hwawawa kufanire kurarama izvozvi. Wanga uri kurarama semukadzi. Wanga uri kuita izvi kwenguwa yakareba. Saka dzimweni dzenguwa unombokanganwa. Wotange kuite semukadzi. Asi unofanire kubva wazvirangaridza. Wotanga kurarama semurume. Unofanira kupepuka. Wozviudza uchiti, "Ayiwaba. Ini handisi mukadzi. Uyu hausi mutambo uyu. Hwaahupenyu chaihwo uhu".

Izvi ndizvo zveunofanira kuita. Zviite pese panouye pfungwa yakashata. Zvireketere uchiti, "Ndakaberekwe panyowani. Uku kwakanga kuri kuberekwe kwechituu. Saka ndakashanduka rudzi. Handisisiri wekareba". Hazvina basaba kuti pfungwa iyi yakaita sei. Rangarira kuti wakasanduke rudzi. Uye unototi uzvirangarire. Wobva wareketa uchiti, "Ini ndakaberekwe panyowani. Saka pfungwa iyi

ndaakutoisiya!"

Usarekera chitadzo ichi chichiendereraba. Uye usatsveruka kubudira anhu pamhene. audze uchiti, "Ndapota. Ini ndakabarwe panyowani. Saka hazvichakoni kuti ndiite zviro zvakadayi!" Haufaniri kuchengeta tsika dzakashataba. Tsvake tsika dzeamwari. Wobva watange kuite tsika idzi. Ndiko kuti dzakashata dziende. Ichi chiro chaunofanire kuronga kuita. Pinda muSoko raMwari. Wotsvake tsika dzakanaka. Wozvijaidza kuita tsika idzi.

# (3) IWE IVA MUITI. ITA SOKO RAMWARI!

Mwari anode kuti tiite zvaanotiraira. Haadi kuti tingowa anzwi. Izvi ndizvo zvatinoona muna Jemusi 1 vhesi 22 kusvika 24. Inoti,

> "Muzwe Soko raMwari. Musangoqumira pakurizwa basiba. Ngekuti

mukadero. Munenge muri kuzvinyepera. Ngekuti kana munhu achingogumira pakuzwa Soko raMwari. Risingazoonekwi pahupenyu hwake. Anenge akafanana nemunhu uya. Anonangisa pagirazi. Oona hope yake. Chiya chaakaberekwe anacho. Asi obva ipapo. Oenda. Obva atokanganwe kuti iye munhu werudzi rupi".

Soko raMwari rinotsanangura zvawawa. Gara uchirangarira Shoko iri. Uchirarama semunhu warinotsanangura uyu. Ikoko ndiko kuwa Soko raMwari. Mweya Mutsvene anozokubatsira kurangarira Soko iri. Ndizvo zvimweni zvaanokubatsira kuita. Ndizvo zvakareketwa naJesu. Tinoerenga masoko awo muna Johwani 14 vhesi 26. Inoti, "Asi pane Mubatsiri ari kuuya. Iye Mweya Mutsvene. Achatumwa naBaba. Achange ari kusandisa zita rangu. Ndiye achange

akandimiririra. Achakufundisayi zviro zvese. Achikuyeuchidzayi zvandakambokureketerai zvese".

Mweya Mutsvene anesu. Saka tinotenda Mwari. anotibatsira kurangarira Soko raMwari. Hino iwe ungarangarira Soko raMwari. Unofanire kubva wararama sezvarinoreketa. Saka usanetseka hakoba. Uchityira kuti ungasarirangarira. Mweya Mutsvene anozokurangaridza. Asi unofanira kubva waritambira. Uchibva waita zvaanenge ari kukuraira zvacho.

### (4) RANGARIRA KUTI CHIVI HACHICHINA SIMBA REKUKUTONGA

Pfungwa dzakashata dzingauya hadzo. Asi hadzichakoniba kukutonga. Dzinokutonga basi kana wadzitendera. Wadzitambira. Izvi ndizvo zveunofanire kurangarira. Tinozvierenga muna aroma 6 vhesi 14. Inoti, "Ngekuti chitadzo hachichinaba simba rekukutongayi ...". Iwe

wava kurarama ngenyasha. Hauchararamiba ngeMurairo. Saka chitadzo hachichakoniba kukutonga. Hachichina simba rekukuitisa zviro. Izvi ndizvo zvinorekete Bhaibheri. Rinorekete izvi pamusoro pako iwe.

Mwari akakusungunura kuchitadzo. Hachichakoniba kukutonga. akakusungunura kubva kurima. akakupinza muHumambo hwawo. Ndizvo zvetinoerenge muna akorose 1 yhesi 12 kusyika 13.

"Muchitenda Baba. Iwo akaite kuti tikodzere kupuwe pfuma yeatsvene. Iya inopuwa ari muchiedza. Iwo Baba aya. akatisungunura. Mdokutibvisa munzvimbo inotongwa nerima. akatisa munzvimbo iya. Inotongwa ngeMwanakomana wawo. Wavanofarira maningi".

Iwe wakaberekwe panyowani. Uku kwakanga kuri kuberekwe kwechituu. Saka wava nehumambo hwawakugare mahuri. Humambo uyu ndihwo hweMwanakomana waMwari. Ndiyo nzvimbo yacho inotongwa neMwanakomana uyu. Saka masimba erima haachagoni kukutonga. Masimba aya ari mune imwe nyika. Nyika iyi ndiyo yezvitadzo. Asi iwewe wamune imweni nyika. Munyika iyi mune upenyu hunyowani. Hupenyu uhu ndehweamwari. Anhu enyika yako ndeeropa nyowani. Ropa iri ndereamwari. Anhu eropa iri anonyise zvitadzo. Ndiko kusaka chitadzo chisisakoniba kukutonga.

Akorose 1 vhesi 14 inoti, " Iye anogare achitidzikinure. Anosenzese ropa rake kutidzikinura. Kudzikinurwa uku kunenge kuri kukanganwire zvitadzo zvedu". Rudzikinuro rwedu ruri muna Kristu Jesu. Saka takatodzikunurwa patiri pano. Izvi ndizvo zvatinoerenge muna aefeso 2 vhesi 5 kusvike 6. Saka hatisi kutsvake kudzikinurwaba.

Takatodzikinurwa. Ndizvo zvinorekete Soko raMwari. Tinofanire kugare tichirangarire Soko iri. Tichirifarira futi.

## CHII CHAUNOFANIRE KUITA KANA ...

Shamwari Dzawaimbositamba Nadzo Dzichitsvaka Kukuodze Mwoyo?

I we wakaberekwe panyowani. Wawenhengo yeimwe mhuri. Une mhuri yawakamboberekwe mweiri. Hausisiri nhengo yemhuri iyi ba. Une shamwari dzawaisitamba nadzo. Une anhu awaisiziya. Hazvireketi hazvo kuti unofanira kubva watsveta anhu ese aya. Hazvireketi kuti wawa kufanira kubva wasiya shamwari idzi. Ndiwe wawa chiedza chawo. Iwo haasati wawa naJesu Kristu. Jesu aya haasati a mumoyo yawo. Saka anhu aya

achiri murima. Iwe wawa chiedza chaMwari. Ndiwe unofanira kuavhenekera. Usakanganwa izvozvo ba. aparidzire ruponeso. Ndiko kuti agoteerawo Jesu.

Asi anhu aya angatsvake kukuodza moyo. Chii chaunofanira kuita pakadero? Bhaibheri rinoreketa pamusoro pevnhu akadaro. Rinoati anhu anomhura. anhu aya achauya pamazuwa ekupedzisira. achange achironge zvakaipa zvoga zvoga. achiseka chokwadi. achimhura Soko raMwari. Tinoerenga izvi muna 2 Pita 3 vhesi 3 kusvika 4.

Anhu aya anenge achitsvake kukudzose kuhupenyu hwekare. anenge achitsvake kuti uore mwoyo. Asi iwe haufaniri kutsauswaba nawo. Mafungiro awo haafaniri kukukanganisaba kufambidzana naKristu. Usazwanana nawoba. Usatambire mazano awo. Ramba wakamira naMwari. Uchirwira Soko rawo.

### Kusungwa Pagejo Hwani Nevasingatendi

anhu ane nguwa yaakatanga kurima nemagejo. Murimi aisunge zvipfuyo zviiri. Osenzese zvipfuyo izvi kukweya gejo. Zvipfuyo izvi zvaikona kunge dziri mbongoro. Kana kuti mombe. Zvipfuyo izvi zvaibva zvarima munda. Zvichikweya pamwepo. Zvichifamba ngegwara rimwero. Murimi ndiye aizvitungamirira kwekuenda kwacho.

Zvipfuyo izvi zvaifanira kunge zviri zverudzi rumwero. Zvaifanira kusungwa dziri mombe basi. Kana kuti mbongoro basi. Zvisizvoba, zvaizozwi zvasungwa zvisina kufanira. Ndizvo zvatinofanira kuitawo isu. Tingaa neanhu atinozwanana nawo. anhu aya anofanire kunge ari erudzi rwedu. anofanire kunge ari akristu sesu. Zvisizvoba, tinenge tasungwa zvisina kufanira. Hino Mwari anotiyambira. Tinoerenge yambiro yawo muna 2 akorinde 6

vhesi14 kusvika 16. Inoti, "Musasungwa pagejo rimwero neanhu asina kutambire Muponesi".

Iwe ungaa nemunhu waunozwanana naye. Asi munhu uyu angasaa Mukristu. Unenge wasungwa pamwepo naye. Kusungwa kwakadai hakuna kufanira. Hakuna kunakaba. Mwari haadi kuti uwe nehukama hwakadaiba. anoda kuti uzwanane neakristu basi. Ungaa neshamwari dzepamwoyo. Shamwari idzi hadzifaniri kunge dzisiri makristu ba. Munhu wacho angaa netsika dzakanaka. Izvozvo hazvina basa ba. Anofanira kunge akaberekwe panyowani. Ndiko kuti akone kuwa shamwari yako. Kunyanya shamwari yepamwoyo.

Mwari haafariri hukama hwakadai. Haahutambiriba. Kunenge kuchitowa kusungwa zvisina kufaniraba. Mwari ndiwo anonatsa kuzwisisa anhu. Saka usawimba nekuzwisisa kwako iwewe.

Mwari akambotuma Samueri. Samueri uyu akanga ari muoni. Vakamutume kumba

kwaJese. Akanga akafanira kunotore ana alese. Azogadze umweni wawo kuti awe mambo. Mambo uyu ndiye akanga ari kuzotonge Isiraeri. Tinoerenge nhoroondo ivi muna 1 Samueri 16 vhesi 1 kusvika 13. Samueri akaende kumba kwalese. Akasvika kumba kuya. Akabva aona dangwe raJese. Dangwe iri rainzi Eriyabhi. Samueri akabva areketa. Akati, "Uyu ndiye anofanire kunge ari muzodziwa waJehovha uyu". Asi Mwari akabve areketa kumuoni uyu. akamuti, "Usazodza iyeyeba. Ndakatomuramba kare uyu". Mwari akazowedzera. akati, "Ngekuti anhu vanonangise hope yemunhu nechimiro chake futi. Hino Mwari haadaroba. anonagise mwoyo wemunhu. Anonangise zviri mukati". Ndiwo maonero aunoite anhu. Unondonangise hope dzawo. Zvimiro zvawohe. Nemasoko aanoreketa iwo. Wobva watofunge kuti anhu akanaka. Kana kuti anhu akaipa. Asi Mwari haadaroba anonangise mwoyo yeanhu.

Kune anhu asina kuberekwe panyowani. anhu akadayi haana mweya yakanaka. Mwari havaaoni seanhu kwawoba. Munhu anofanire kuberekwe panyowani. Ndiko kuti Mwari amuone semunhu kwaye. Munhu akadai ndiye anokona kuwa shamwari yako. Zvikuru sei shamwari yepamwoyo. Zvisizvoba, Mwari haadi kuti munhu uyu awe shamwari yako yepamwoyo. Iwe wakaberekwe panyowani. Pane shungu dzawakufanire kuwa nadzo. Shungu idzi ndedzokufadza Mwari. Saka chirekere kuite zvinongokufadza iwewe.

Gara mwoyo wako uri paSoko raMwari. Ndiko kuti Mwari agare vachikunyisisa. Izvi ndizvo zvatinoerenge muna 1 Wakorinde 10 vhesi 13.

# CHII CHAUNOFANIRA KUITA KANA ...

Ukatambudzirwe Kunamata Kwako?

Jesu ane mufananidzo waakamboreketa. Tinouerenge muna Mariko 4 vhesi 1 kusvika 9. Mufananidzo uyu ndewe mukushi. Mukushi uyu akaende kunokushe mbewu dzake. Dzimweni dzakawira parukangarahwe. Dzimweni dzikawira paivhu rakakonja. Dzimweni dzikawire muzviikwenzi zveminzwa. Dzimweni dzikawire paivhu rakanaka. Bhaibheri rinozorekete muvhesi 16 kusvika 17 yacho, richiti,

"amweni anhu akaita serukangarabwe. anhu aya anozwe Soko raMwari. anobva aritambira. anotoritambira ngemufaro. Asi haarekeri Soko iri richidzike midzi mweari. Saka anomhanya naro kwenguwa doko. anozotanga kuwengerwe Soko iri. anozotange kuritambudzirwa. Izvi zvinobva zvaaodze mwoyo. obva ashatirwa".

Jesu ane anhu aakanga ari kureketa. Aya anhu anotambire Soko raMwari. Asi Soko iri rosadzikaba midzi mweari. anozotambudzwa. Vomboshingirira hawo. Asi anokasira kuore mwoyo. anokasira kukande mapfumo pasi. anokasire kukurirwa. Kune amweni akaite izvi. anhu aya akatowanda.

Saka kune amweni anhu. anhu aya haafariri Jesu zvakadzama. Izvi ndizvo zvetiri kuziyiswa naJesu. anhu aya anofarire hawo Soko raMwari.

Asi meso awo ari pane zvarinowimbisa. Zvakaite sehupenyu husingaperi. Mufaro. Nekudayirwa kweminamato yawo. Asi haanatsiba kufarire Mwari. anhu akadai angatambudzwa. achitambudzirwe kunamata kwawo. anobva anyiswa. Izvi hazvifadziba. Iwe ungatambudzwa hako. Ungatambudzirwa kunamata kwako. Unofanira kuramba wakamire paSoko raMwari.

### (1) Unofanire Kufarire Mwari Zvakadzama

Mwari anoda kuti uafarire. anoda kuti uafarire zvakadzama. Rudo runokona kuwanda. Runokonavo kudzikira. Runowedzera paunenge uri kufunga ngezvaMwari. Uchiteerere Soko rawo. Uchianamata. Uchitandara nawo. Unozopedzisira wawa kuazwisisa. Zvichibve zvaite kuti uwedzere kuafarira. Saka gare uchiteerere Soko rawo. Ndiko kuti uwedzere

kuazwisisa. Uchizowedzerawo kuafarira. Newe uchiwanawo zyakawanda kubya kwaari.

Unofanira kuafarira ngenzira iyi. Soko rawo rinozodzika midzi mumwoyo mako. Ungazosangana hako nezviro. Unenge wakuziya zvinorkete Mwari pamusoro pezviro izvi. Saka unobve wakasire kurekete Soko rawo pamusoro pazvo.

Rurimi rwako rune simba. Runokona kuraramisa zviro. Runokona kuraya zviro. Izvi ndizvo zvinorekete Bhaibheri. Tinozvierenge muna Zvirewo 18 vhesi 20 kusvika 21. Futihe, iwe ungarekete masoko. Masoko aya anenge ari kubuda mumwoyo mwako. Izvi ndizvo zvatinoerenga muna Matewu 12 vhesi 34 kusvika 35, pamwe na37. Saka unofanire kudzadza mwoyo wako ngeSoko raMwari. Ungazosangana hako nezviro. Unenge wawakufunga saMwari. Uchireketawo saMwari.

## (2) Usakande Mapfumo Pasi Ba!

Matambudziko angauya. Asi iwe haufaniri kukande mapfumo pasi ba. Usabvume kuti wanyiswa. Wakaberekwe panyowani. Asi izvi hazvireketi kuti hausi kuzosangana nematambudzikoba. Hazvireketi kuti hausi kuzosangana nemiyedzoba. Zvinondorekete kuti Mwari ndiwo vava kukunyisisa. Vanokunyisisa matambudziko aya. Vanokunyisisa miyedzo iyi. Izvi ndizvo zvetinoona muna Mapisarema 23 vhesi 5. Inoti, "Munondigadzirira tafura pamberi paadzivisi angu ...". Unokone kunge wakat wakanangisana neawengi ako. Asi haagoni kukuparadza. Ungatambudzwa hako. Asi upenyu hwako hahukoniba kuparadzwa!

Mwari haadi kuti ubvume kunyiswaba. Mira wakagwinya! Zviro zvingakonja hazvo. Asi usabvuma kunyiswaba. Usatsvete mapfumo pasiba. Mwari anokunyisisa basi. Saka usaore mwoyoba. Ramba wakatendeke kweari. Iwo haazombokurasisiba. Haazombokusiyiba uri wega. Uri kuzonyisa. Zvisinei kuti chii chiri kuitikaba. Ngekuti iwe uri mukuru pazviro izvi. Isaya 43 vhesi 2 inoti ungapinde hako ngemumvura. Asi mvura iyi haisi kuzokukukuraba. Ungapinda hako ngemumwoto. Mwoto uyu hausi kuzokupisaba. Shumira Jesu Kristu ngemwoyo wese. Ndizvo zvaunofanire kuita. Zviro zvingawoma hazvo. Asi iwe atevere basi.

1 Akorinde 15 vhesi 57 kusvika 58 inoti,

"Asi Mwari ngaatendwe. Ndiwo anotikundisa. anotinyisisa muna Ishe Jesu Muponesi. Saka hama dzangu dzandinofarira. Mirai makagwinya. Pasina chinokuzungunusai. Mabasa amunoitira Ishe agare echiwedzera. Muchiziya kuti

mabasa ese aya. Amunoita muna Ishe. Haasi pasinaba".

I Johwani 5 vhesi 4 inoti, "Ngekuti chiro chinoberekwe ndiMwari. Chese zvacho. Chinonyise nyika ino. Uye ruwimbo rwedu muna Mwari. Ndiro simba rinonyise nyika ino"

Mwari ndiwo anotinyisisa. Tinonyisa kudai kana tiri muna Ishe Jesu Kristu. Saka hazvikoni kuti tinyiswe. Natse kuongorore 1 Johwani 5 vhesi 4. Ine simba rainoreketa nezvaro. Simba iri ndiro rinonyise nyika ino. Simba iri ruvimbo rwedu muna Mwari. Saka vimba naMwari pakurarama kwako. Uri munyisi. Ndiwe unonyisa. Hausi iwe ari kuzonyiswaba. Wakaberekwe naMwari. Uri mwana waMweya Mutsvene. Saka kunyisa ndiko kwakwako.

# Mweya Mutsvene Waamuhupenyu Hwako

Iwe wakaberekwe panyowani. Izvi zvinorekete kuti wakaberekwe kechichituu. Uchiberekwe ngeMweya Mutsvene. 1 akorinde 12 vhesi 13, naJohwani 3 vhesi 5 kusvika 8. Saka hupenyu hwako hwawa naMweya Mutsvene mukati. Saka unofanire kuazwisisa. Nekuarekera achisenze muhupenyu hwako.

Mweya Mutsvene ane zvaanoda kukuwanisa. Unofanira kuzwisisa izvi. Ndiko kuti uzonakirwe ngehupenyu huri muna Kristu. Uzowanawo chipo chaanokupa. Chinowa ndicho chatinoona muna 1 akorinde 12 vhesi 8 kusvika 10. ane simba ravanodawo kukupa. Simba iri ndiro ratinoona muna Ruka 24 vhesi 49, naMabasa 1 vhesi 4 kusvika 8.

#### MWEYA MUTSVENE NDIYANI?

Bhaibheri rinoreketa ngezve Mweya Mutsvene. Rinorekete ngezvawo munzvimbo dzakasiyana siyana. Dzimweni nzvimbo dzacho ndedzinoteera

- Tinoaona muSungano yeKare. akanga achipe anhu simba. Simba iri rakanga risiri renyika inoba. Izvi ndizvo zvatinoona muna atongi 14 vhesi 6 na19
- Tinoaona muSungano nyowani. Ndiwo akanga ari kushanda muna Jesu. Saka tinoaona pakuberekwa kwaJesu. Pahupenyu hwaJesu. Nemushumiro yaJesu. Izvi ndizvo zvetinopangidzwa muna Ruka

- 4 vhesi 18.
- Tinoaona muna Mabasa 2 vhesi 1 kusvika 4. akanga ari kusenze muhupenyu hweadzidzi aJesu.
- Iwo ndiMwari. Munhu werudzi rweamwari.
   Futihe ndiwo Mwari wechitatu pa amwari.
   Izvi ndizvo zvetinoona muna Johwani 14
   vhesi16 kusvika 17, naJohwani 15 vhesi 26.
- Ivo akanga aripo nguwa isati yawapo. Izvi ndizvo zvetinoona muna Genesisi 1 vhesi 2.
- Paari ndipo panoonekwe simba raMwari. Kurekete kuti ndiwo Mwari anoite zviro. Zviro zvacho ndizvo zviya zvinenge zvarairwa naMwari Baba. Izvi ndizvo zvatinoona muna Genesisi 1.
- Ndiwo Mweya werudo. wesimba.
   Newenjere. Izvi ndizvo zvatinoona muna
   2 Timoti 1 vhesi 7.
- Ndiwo Mweya anounze kusungunuka. Izvi

ndizvo zvatinoona muna 2 akorinde 3 vhesi 17.

#### ZVIRO MWEYA MUTSVENE ZVAASIRIBA

Mweya Mutsvene harisi simbaba. Haasi mhepoba. Haasi mafutahe. Haasi njiya ba. Magwaro anondosenzese zviro izvi kutsanangure zveari basi. Mweya Mutsvene anoite kuti anhu akone kureketa ngedzimweni ndimi. Asi iwo haasi ndimiba. Ndiwo hawo anotipa simba raMwari. Asi haasi simbaba. Haakudzoseri kuhupenyu hwekugara uchityaba. Izvi ndizvo zvatinoona muna aroma 8 vhesi 15. Ndiwo anotosungunura. Izvi ndizvo zvatinoona muna 2 akorinde 3 vhesi 17.

## Chikonzero Tichifanira Kuwa Nemweya Mutsvene

 - Mweya Mutsvene anotipe simba reamwari. Izvi ndizvo zvatinoona muna Mabasa 1 vhesi 8. Mundima iyi mune soko rekuti "simba". Soko iri rinoturikirwa kubve kusoko reChigiriki. Soko reChigiriki iri nderinoti "dunamis". Soko iri rinotsanangura imweni mhando yesimba. Iri isimba rinokona kugadzirisa zviro. Isimba rinosenza ngenzira inoonekwa. Ndiro simba retinopuwa ngeMweya Mutsvene. anotipa paanouya kuzogara matiri. Simba iri rinoite kuti tikone kugadzirise zviro. Tinogadzirise zviro izvi muhupenyu hwedu. Tinozvigadzirisawo muhupenyu hweamweni anhu.

- Mweya Mutsvene anoite kuti tikone kuparidze soko reruponeso. anoite kuti tikone kuriparidze takashinga. Izvi ndizvo zvatinoona muna Matewu 28 vhesi 18 kusvika 20. NaMariko 16 vhesi 15 kusvika 18.
- Mweya Mutsvene anotitungamirira.
   Ndiwohe anotipangidze kwekwenda. Izvi ndizvo zvatinoona muna Johwani 16 vhesi

- 13, na aroma 8 vhesi 14.
- Mweya Mutsvene anotinyaradza. Izvi ndizvo zvatinoona muna Johwani 14 vhesi 18, naMabasa 9 vhesi13.
- Mweya Mutsvene anotiraira. Futi, anotifundisa. Izvi ndizvo zvatinoona muna Johwani 14 vhesi 26, na1 akorinde 2 vhesi 11 kusvika 12.
- Mweya Mutsvene anofambe nesu. Futi ane hanya nezvese zvetinoita zuwa rimwe ngerimwe. Izvi ndizvo zvatinoona muna lohwani 14 vhesi 16.
- Mweya Mutsvene ndiwo anopupure kumweya yedu. achiite kuti tizwisise kuti taana aMwari. Futihe kuti tine pfuma yatakapuwa. pFuma iyi inowanikwe muna Kristu Jesu. Izvi ndizvo zvetinoona muna aroma 8 vhesi 16, na aefeso 3 vhesi 6.
- Mweya Mutsvene anoite kuti tiwe akasungunuka kusvika pana Mwari.
   Tinosvika paari kudai seanhu anofarira

Mwari. Izvi ndizvo zvetinoona muna aroma 8 vhesi 15, 2 akorinde 3 vhesi 17, na2 Timoti 1 vhesi 7.

#### IWEWE UNOKONA KUWA NEHUKAMA NAMWEYA MUTSVENE

Jesu ane masoko aakareketa. Tinoaerenga muna Johwani 14 vhesi 17. akati,

"Ndiye Mweya wemashuwai. Nyika haikoniba kumutambira. Ngekuti haikoni kumuonaba. Futi haikoni kumuziyaba. Asi imi munomuziya. Izvozvi anemwi. Asi achazowa mukati mwenyu".

Gare uchiziye kuti Mweya Mutsvene ari mukati mako. atendere ashande mwauri. Ndizvo zvinodiwe mukufambidzana nawo. Saka unofanira kuzvipe nguwa yekutandara nawo. Uchitsvake kuaziya zvakadzama.

Panguwa idzi, unokona kunge uri kunamata. Kana kufunde Soko raMwari. Uchizwa zvaanoreketa. Nekuita zvese zvaanokusunde kuita.

Iwe wakanyikwe muMweya Mutsvene. Ndizvo zvakaitika pawakaberekwe panyowani. Kunyikwa uku kwakaita sekunyikwa mumvura. Izvi zvinoda kufanana nedende. Unokona kurimvote mumvura. Robva ranyura zvachose. Izvi ndizvo zvinoitika pakuberekwe panyowani. Unomvotwe muMweya Mutsvene. Unonyudzwa mweari. Sedende riya ramvotwe mumvura.

Dende iri rinenge ramvotwa haro mumvura. Asi mukati maro munenge musina mvuraba. Saka rinenge rakafanira kuboworwe buri. Ndiko kuti mvura ipinde mukati maro. Ndizvo zvinofanira kuitikawo peuri. Unenge waberekwe panyowani. Kurekete kuti unenge wamvotwe mu Mweya Mutsvene. Asi Mweya Mutsvene ava anofanirawo kuwa mukati mako.

anofanira kugare akazare mauri.

Uye haundodzadzwiba naMweya Mutsvene kahwani basiba. Unofanire kugare uchingodzadzwa. Mweya Mutsvene anofanire kugare achipinde mukati mako. Izvi ndizvo zvetinoerenga muna aefeso 5 vhesi 18. Kurekete kuti unofanire kugare uchiziye kuti Mweya Mutsvene anewe. Pfungwa dzako dzinofanire kugare dziri paari. Uchiarekera achisenze meuri. achiite basa rawo muhupenyu hwako. Saka unokona kugare uchidzadzwe ngeMweya Mutsvene. Izvi zvinoitike paunowedzere kuzwanana nawo. Uchitandara nawo. Unotandara nawo paunoarumbidza. Uchinamata, Uchifunda Soko raMwari, Uchiita zveanokuraira. Nekuita zvese zvaanokusunda kuita. Ndiko kuti akone kukutungamirira.

#### Kureketa Ngedzimwe Ndimi

Mweya Mutsvene anopa ana aMwari mutauro. Uyu mutauro wedzimweni ndimi. Izvi ndizvo zvandamboreketa pakutanga. Mutauro uyu chinotowa chitaridzo. Chinotiziyisa kuti munhu akatambira Jesu. Izvi ndizvo zvatinoerenga muna Mariko 16 vhesi 17.

Mutauro uyu unopuwa kumweya wako. Saka haushandisi pfungwa dzakoba kuti uurekete. Ndiwo mutauro unoita kuti Mukristu akone kurketa naMwari. Anenge ava kukona kurekete nawo iwo pachawo. Uye mweya wake ndiwo unenge uri kureketa kudayi. Mweya Mutsvene ndiwo anoise mutauro uyu mumweya wako.

Kureketa ngedzimweni ndimi ndiko kunamata ngemweya wako. Kana kuti kunamata mumweya. Isu tingareketa nedzimweni ndimi. Tinenge tiri kureketa naMwari pachawo. Izvi ndizvo zvetinoziiswe muna 1 akorinde 14 vhesi 4. Kurekete ngendimi kunoaka mweya yedu. Kunoigwinyisa. Izvi ndizvo zvatinopangidzwa muna Judhi 1 vhesi 20. Kunogwinyisawo mweya yedu. Mweya yedu inobva yavandudzwa. Izvi ndizvo zvatinoona muna Isaya 40 vhesi 31.

Iwe ungatambire Mweya Mutsvene. Unobve watokone kureketa nedzimweni ndimi. Asi ndiwe unosarudze kudzireketa. Mweya Mutsvene haasiwo vanodzireketa. Anongokupe masoko acho ekureketa. Iwe ndiwe unosarudze kuarketa. Saka unokona kureketa ngedzimweni ndimi. Uchirekete kuna Ishe. Unoita izvi pese pawadira.

Unotange uchidzireketa zvishoma. Asi unofanira kugare uchidzireketa. Unozopedzisira wanyanzvi. Zvinongofanana nemwana mudoko. Anotanga nekureketa masoko mashoma. Ozopedzisira ava nyanzvi.

Ndokunge aramba achifundira kureketa kwacho. Ndizvo zvaunoitawo pakureketa ngendimi. Ndimi idzi mutauro. Wakasiyana nemitauro yaunoziya. Haufaniri hako kuita wekufundiswaba. Asi unofanira kugara uchiureketa. Ndiko kuti ukone kuureketa ngehunyanzvi.

Saka gare uchireketa ngendimi. Izvi zvinoita kuti mweya wako ukure. Iwe uchizokona kushandisa zvimweni zvipo zvaMweya Mutsvene.

# Ko, Unofanire Kuende Kuchechi Ere?

Jesu akamborekete ngendaa yeasanangurwa avo. asanangurwa aya ndiwo Mwiri wawo. Ndiwo anoamiririra panyika pano. Tinoerenge masoko aJesu aya muna Matewu 16 vhesi 18. akati akanga ari kuzoaka Sangano reasanangurwa aya. Vachiriaka zvekuti madhoo egomba remoto haakoniba kuadziisa.

1 akorinde 12 vhesi 12 kusvika 14 inoti,

"Ngekuti mwiri zvauri hwani basi. Asi uine nhengo dzakawanda. Dzakabatana kuumba mwiri hwani basi. Ndizvowo zvakaita Muponesi. Ngekuti isu tose. angaa ajudha. Kana asiri ajudhaba. Nhapwa. Kana akasungunuka. Takanyikwe mumwiri hwani basi. Tikaputirwe imomo naMweya hwani basi. Uye takamwiswe muna Mweya amwe basi iwawo. Ngekuti mwiri wakaumbwe ngenhengo dzakawanda. Haikona hwani basiba".

Isu tisu Mwiri wacho. Kristu ndiwo Musoro wacho. akristu ese mitezo yeMwiri uyu. akristu aya ndeaya akaberekwe panyowani. Futihe, akristu aya inhengo dzinosimbisana. Izvi ndizvo zvetinopangidzwa muna 1 akorinde 12 vhesi 27. Tiri nhengo dzemwiri waKristu. Saka tinoshanda senhengo dzemwiri wemunhu. Nhengo idzi hadzikoni kugare dzakaparadzana. Imwe neimwe haishandi iri yegaba. Iri payo.

Dzinofanira kunge dzakasungana. Dziri pahwani. Ndizvo zvakaitawo nhengo dzemwiri waKristu. Mwari akape nhengo imwe neimwe chipo. Zvipo izvi zvakasiyana siyana. Asi zvese zviripo kubatsire asanangurwa aKristu. Izvi ndizvo zvatinoona muna 1 akorinde 12 vhesi 18 kusvika 24, na aefeso 4 vhesi 11 kusvika 12.

Saka Mukristu anofanira kusangana neamweni paMinamato. Anofanira kuwa nesangano raari nhengo yaro. Ngekuti izvozvo ndizvo zvinorairwa naMwari. Patinosangana kudai. Tinoropafadzana. Tinenge tichisenzese zvipo zvedu kuropafadzana. umweni anenge aine chipo chekusanda minana. umweni chekuporesa. Umweni chekurekete zviri mumweya. Saka unofanire kuenda kuminamato yesangano rako. Ndiko kuti ukone kunatse kuzwisise Soko raMwari. Uchizwa huchapupu hweamwe. Nekuona minana ichiitikahe. Unofanirawo kupota uchinamata pamwepo neamweni. Pane maropafadzo aunozoona.

Aya maropafadzo anongopuwa kugungano. Mweya Mutsvene anenge achiapa kunhengo imwe neimwe. Izvi ndizvo zvetinoona muna Vahebhuru 10 vhesi 25, naMabasa 1 vhesi 14, naMapisarema 133 vhesi 1 kusvika 2.

Unofanira kuva nhengo yesangano. Zvisizvoba, kurarama neSoko raMwari kunozokuremera. Sangano iri rinofanire kunge riri rinotambire Mweya Mutsvene. Unofanira kuwa nezvaunoitawo musangano iri. Izvi zvinozoite kuti uzwisise sangano iri. Pamwe nekuziya nhengo dzaro. Mweya wako unozoakwawo. Uchikura. Izvi zvinozoita kuti urerukirwe ngekurarama muSoko raMwari. Uchizokonawo kubudirira pakushumira kwako Mwari.

Iwe waMukristu. Unofanira kuva nhengo yesangano. Sangano iri rinotofanira kuwa musha wako. Unofanira kuone zveunotoita musangano iri. Zvisizvo, unozodarikwa nemaropafadzo aMwari akawanda. Futihe,

unenge usiri kuita zvinodiwa naMwari.

Iwe wakaberekwe panyowani. Chirarama semunhu akabarwe panyowani. Usarekera kusangana neamweni esangano rako. Zvinowa ndizvo zvetinoyambirwa muna Vahebhuru 10 vhesi 25. Saka usashaikwa paminamato yesangano rako!

## UNOFANIRE KUGARE UCHIKURA PAMWEYA

Ruwimbo rwako runokona kukura. Runokona kuwedzera. Runowedzera paunenge uchizwa Soko raMwari. Izvi ndizvo zvinorekete Bhaibheri. Saka ndine dzidziso dzandinoda kuti uwane. Dzidziso idzi dzinokubatsire kukura pamweya. Dzinoite kuti ukone kurarame upenyu hweChikristu. Dzinoite kuti ruwimbo rwako rukure.

Wane fundiso idzi. Udziteerere. Udzishandise pakurarama kwako. Hupenyu hwako hunozoshanduka. Huchiwedzere kunaka. fundiso idzi ndedzinotevera:

# To contact the author write: Pastor Chris Oyakhilome:

#### **United Kingdom:**

Unit C2, Thamesview Business Centre Barlow Way, Rainham, RM13 8BT Tel.: +44 (0)1708 556 604

#### South Africa:

303 Pretoria Avenue Cnr. Harley and Bram Fischer, Randburg, Gauteng, South Africa. Tel:+27-11-326 0971, +27-11-326 0972

#### Nigeria:

Christ Embassy Plot 97, Durumi District, Abuja, Nigeria.

#### Nigeria:

Plot 22/23 Billings Way, Oregun, Ikeja, Lagos. Tel: +234-808 586 5700,

+234-817 198 7339 +234-802 478 9892-3

Please include your testimony or help received from this book when you write. Your prayer requests are also welcome.